

忠雅堂文集

忠雅堂文集卷五

詩五

鉛山 蔣士銓 心餘

舟中讀書

東書厚疆圉四隅不全覘心兵失銛鋸何藥與淬蘸十載伏髹  
几剝處澤可鑑兩腹月補綴布褐色爲儉銳力辟志猛強識得  
天欠饒夫冒脾弱嘔噦負咀噉齒牙寧不饕胸腹卒難饜精氣  
困迷謬智慧墮昏墊終歲無逸獲手眼役煩厭去之日悠悠此  
身殊泛泛吾師新安叟金椅門先生相啖獨醇醪坐我艤艫舟目送覓  
觴濫久別俟新異再見或播擻詎謂歲月改憂虞計畧飢關燭  
成坐廢謀食類愚暗學道我所欲救死恐算贍寒餓疾已痼日  
待斗石砭及茲春羈靡而乃挂江帆得朋丐貲斧欲吐口喁噏  
所識半窮乏不免詫鬼瞰世路未可測光景詎能纜執理不勝

欲倏忽瞥兩念納睛入胸膈反目自鞠勘可憐文字腹呀然告  
虛歉飢腸時一鳴苦心倏藏斂以茲焚臍府奚待竈木椿所嗟  
肝與膽雪亮一古劒本無機械巧不畏穿窬礪對書識彌曠當  
仁意稍僭浩然敵外樂自得足隱驗灘渦移舊痕岸樹拆新豔  
及時彼誠能流矚我亦暫觀物拾奇悟識字增默懺絳夫曳舟  
上去波有餘憾行當摺圖史朗誦越天塹

自南園歸鉛山曉發

又逐尋巢社燕歸片帆輕趁雨霏微卅年一水去來熟數刻亂  
峯高下圓挂墓有錢都是紙誅茅無屋可容扉眼中何物堪縈  
憶只有山頭蕨筍肥

偶憶

近況真難語塞鴻江湖卧病亦怱怱懷空寒色一鐙裏夢在雨

聲雙觴中壯志平居多感激同官健者定從戎不知馬上誰提  
筆親紀將軍殺賊功

共命

飛廉盤空來萬物奪盛氣倏令大塊閒風力滿天地雷雨助暴  
虐神鬼相退避輕舟楊粃糠勇懦同惴惴短榻函我身轉側一  
篷閉暗隙閃寸光急溜乘閒至昏黑忘朝餐旁皇就假寐夜魂  
栖去波常恐逐其逝可憐僮僕怨未抵妻孥悔同舟六七人愁  
歎相倚恃共命無賢愚艱險感同濟三日勢未殺崇禱殊不易  
萬籟益附和聲雜耳莫識只疑山林空那覺波濤沸相看性命  
薄轉慮蛟鼉噬百年苟如此吾願等蠶賸釜竈影忽定震巽權  
稍替朝曦透篷罅各各具生意是曰心太平其樂當不啻

偶爾二首

江山迢遞雨兼晴夾岸無人記艣聲春樹作花皆偶爾酒旗招  
我似平生古來城郭畫圖見腹內詩書芒角橫恰好收帆青壁  
展暫容相耦綠蓑耕

許借簾鞭叱犢行船頭洗腳一身輕已知繡壤今生缺忽放金  
尊右手擎古木巢寬雅對換晚汀沙暖鷺猶爭不知何處堪濃  
睡耳畔刪除各種聲

過廢祠

一閉山木女郎祠花謝花開兩不知釵珮似傷憔悴絕鬼神猶  
爲盛衰移空梁燕子坐交語東閣舍人來賦詩艸綠苔深餘虎  
迹更容寧耐覓殘碑

弋陽道中

樵風如箭帖帆催萬馬疑從艣後迴水氣暗浮三老笑角聲斜

送亂雅來晴灘雪卷雷霆匿疊嶂雲收劒戟開欲寫平安報慈  
母夜窗書對一鐙裁

忽漫

鏡中平放雪皚皚船底微聞轉暗雷守堠兵多官舫去拔篙聲  
緩亂灘來江湖綠鬢丁年改樓閣紅窗子夜開忽漫驚心聽雨  
事一層羅幔掩鐙煤

黃沙港

喬木森森夕照收辟邪高卧晚山頭何時卿相一杯土滿眼鶯  
花無數丹竹屋酒香人寬旆芳谿笛轉樹遮牛遙知百里城中  
夜處處月明簾上鉤

釣巖放舟至河口感所見

巖壑各殊境一山如我竄童然瘦骨立倚託無尺土奔濤有時

齧惡木不敢侮輪囷扼江險隱若孤巖挂中堅具文理外禿乏  
媚嫵自然抱磊砢未肯隨仰俯皇天畀強力用以鎮磯澣甘讓  
窈窕峯雲雨相翼輔前山列九獅伴爾閱今古信州實劇郡以  
獅作門戶奈何十年來鑿削傷四五區區相門後煮石供二餽  
詎知桑梓恩不畏風雷阻居然賣巉巖日付巧匠斧是物關係  
障私產敢竊撫彼哉守與令日過若無覩可憐河口山不及柳  
下塢我與山盛衰彼此復何補坐令剗屏嶂毋乃愧簪組我如  
釣巖孤不與喻等伍待借秦人鞭移之使離去隨地足偃蹇焉  
用入官府作詩代石言守令或無怒

田家小憩有作

笑捉犁鉏教子孫戲拋菽粟飯雛豚幾人春鬢白成雪十里菜  
花黃到門閒數年華同世外坐看雷雨出山根也知不識城隅

路汲徧三條井纜痕

一哀詩

亡友誰最賢早死痛楊屋屋爲將門子靈關世其守列祖多忠  
臣每戰必喪首提兵鎮天全制敵若雞狗土司曰驕橫梗稻雜  
糧莠殺人供歌舞嗟耄爭鼓缶君祖攜兒孫讀書刀劒數吟詩  
關宗風獨震師子吼

聖祖杜微漸太阿肯與受以苗屬郡縣 敕驅土司走分省各  
安插計口賜廩畝君祖挾兒孫下峽魚在留洪州得寓公風騷  
法韓柳居然媲三蘇蜀材故蚡鰲君時與汪輟美譽實同負引  
我犄角戰力屈謝賁黜同遊新安門並載侯生酒講學師中央  
屋左銓在右共席復同寢不異沮溺耦切劘固已多嘲戲亦時  
有師言得二子已可張十九承宮侶田鳳竊媿溷好醜中間數



離合君學日豐蔀新詩自洵鍊收縮筆逾陡抽思健開闔漱液  
滌塵垢百手衆算辦寸鐵已解紐共信一卷詩不受古人蹂言  
開拔萃科太歲癸加酉奈何三十二一貢身立朽別來得君書  
規戒多善誘忽然拜木主一慟鮮血嘔天令年命促底用文字  
壽忠孝緘骨髓辭章播人口遙知返躔次幽怨散箕斗賣宅八  
城市我屋隣費邱老樟落寒蔭南北指階牖日一登君堂不忍  
見君母泣言飯糜糲三雛需哺穀掩涕引君穉正冠揖君婦故  
人均嫂叔存問亦云久君母訴寒餓掩覆婦爲剖忍飢說固窮  
暗淚滴空直謂言夫雖歿一介寧妄取存亡繫天命東餒免毋  
苟語畢顏色和心苦面微忸麻衣敵霜雪椎髻操井臼奉姑一  
嚮肉抱子匿檐廂終年吸糜粥珍錯視齋韭我妻娣姒行責我  
爲援手傷哉原憲母晚歲亦飯糗君死我尚生忍見顛危糾悠

忽成坐視何用我爲友官田晚收薄敢忘 國恩厚如何寡婦  
穗歲益農夫阜堂堂彭方伯遠意絲貫鴈殷勤牒縣丞楊氏穀  
徵否

九重愍焚獨況乃忠良後

汪生 輶

汪生東野傳五窮不可送束髮歷艱苦皎月墮陰霧浩歌振頽  
響其才實天縱放意滿規矩鞭想絕羈韉語出百靈怨篇終一  
城誦昔作句讀師勤學廢殮饗葉母閨中賢擇壻輶獨中索詩  
爲定昏高義駭愚忝大吏聞其事書幣各頒贄笙歌集檐楹珠  
翠繞鸞鳳母實立人鑑可爲天下風齊名有楊生才力與伯仲  
我騎瘦馬來對之敢罄控境上陳犧牲失笑若菖宋一託金石  
交誓以死生共同心絰雙繭十載效嚶哢昨歸執君手十指令

人恐短禿異駢枝爪節相剝壅問遭祝融厄語次堪一慟衣裯  
偶不戒竹破失其統奮身蹈烈火妻子竟酣夢裂幃掖以出不  
覺已軀重全生四人在剝膚一家恫鬢髮燎原野皮肉滴乳湮  
枯筋指閒出狼籍不可凍我母曾往視對之欲分痛象焚亦誰  
尤僂巧當自訟毫端洩靈閼神鬼故危弄豈知班揚手尚待賡  
雅頌廿年蕤膏油一鍊瘼與瘥兼金入陶冶鎔鑠方克用孝弟  
古一科行優當入貢側聞青蠅口欲阻六翮狂居邦友賢士此  
輩殊惜惜潛躍有定理豈受百囊纓我時一過君紅蠟破春龔  
情親略嫌別痛飲忘缺空兩耶字爭識一婦事獨綜到門無鄙  
夫文士爲導從分題秦楚會角酒鄒魯闕座閒孰小異醉後我  
從眾輓來恐傷別靜久各思動願君游東華瀟洒脫章縫一賦  
帝京篇上爲清廟供

河口返棹初發

不奈清明黯澹何輕陰日日隰藤蘿風濤直送一帆下雷雨暗  
隨三縣過批鳩餞春愁落盡歸牛浮鼻盼栽禾計程解道家人  
苦未信江船等擲梭

佳日

是處笙歌有畫樓紅燈繡枕玉雕鏤浮生勞苦幾時滿快意好  
風如是柔雨後春禽對言語舟中估客各駢駒青山無數過須  
上我卧讀書船自流

一春

不知桃李開何處藍筍青簷過一春中酒阻風無限苦倒冠落  
珮不如人江河東水原難合管鮑論交別有真心折遺山詩老  
句書生只合在家貧

山邨

滿地閒雲十畝桑茅茨宮觀互遮藏一條古礪積黃葉三面小樓收夕陽野客衣冠可圖畫道人顏鬢各青蒼柴門齊掩鳥聲定暝色半山鐘聲長

繞城寺

礪底藏深屋林端展翠屏春山圍寺美魚市過船腥種水人安業推篷客誦經茅檐如許住一飯借居停

登臺

米價人身貴賤乖見聞拋卻自登臺入林紅雨滿身落卷幔亂山當面來茅屋隔溪皆突兀飢鴻隨地欲悲哀救荒從古無奇策還聽商量濟世才

汪孝子

阿翁陷賊賊營閉孝子營門決雙眦誅賊無力懼賊繫牙旗一  
丈將軍來孝子慟哭人馬哀含淚作詩墨盡赤求脫父難禽賊  
魁將軍誦書色黯慘彼衆我寡事豈諧鼓角無聲策馬去彼且  
畏賊何況汝人不可憐神鬼護以誠感天天地許壯士何來能  
禦侮談笑對賊與賊伍賊信壯士開營門壯士攜翁歸故邨脫  
翁虎口未足駭翳桑餓者來報恩孝子有妻亦孝婦亂後色養  
安驚魂愛以壺觴招父老手購典籍遺兒孫栢棬手澤見餘慶  
甲第湖濱無與並父爲孝子子賢令

次公正傳  
宰武義

彤史何人傳篤行

樞衣我數登其堂幼聞風教思益長他年若把董狐筆大書餘  
干孝子汪耳黃

### 寄汪輦雲

把酒言懷僕婢疑敝門投刺友朋癡苦吟猶學李長吉薦士不

逢韓退之斜日讀書明鏡側小樓聽雨夜燈時人生何必定通  
貴身後大名誰早知

居士

鐘鼎山林兩算尋歲華容易去駸駸片雲當晝酒杯黑新綠過  
牆庭宇深嬾娜簾波藏奕奕客扶疏夏木會鳴禽酣然一覺仰天  
卧誰識此時居士心

戲題睡鷗

鳳銜丹詔鶴銜籌百鳥啁啾各自謀我與沙鷗同懶脣水邊濃  
睡卻低頭

謝蒼崖丈西堂小飲三首

授餐適館賦緇衣倒屣翻令薄俗疑冠蓋悠悠客來去簾櫳寂  
寂燕差池銜杯有得自懷古開眼笑看人奕棋老樹生香石生

辭兀然情況許誰知

既醉還醒老懶身不求聞達不沈淪浮雲過眼半爲雨明月在天來照人諧俗何妨等兒戲哦詩差可任天真紅燈綠酒多拋擲只與羣公了夙因

戴笠乘軒廿載經兒童傀儡各從橫漸知感慨太無謂但覺江山都有情海內名公多遠別天南小吏頗相輕市中著屐吾猶慣不用等閒知姓名

南昌翟異水郡丞以涇上琴魚及白露紙藏墨梅片茶見餉各報以詩三首

大魚撇波飛上天小魚出鼎沈于淵藥氣已盡生氣出不比家火燒凡鉛丁公壬母互胎息鍊形化作魚中仙凡鱗尋丈徒什伯敢視細族爲曾元琴高上升魚落水淮南雞犬同棄捐水簫



或不隸名姓食單已自登肥鮮槎頭禿尾最卑下重層四壁豈  
必賢涇川上已風日美前褰被襖琴溪壩龍首驚目有常信因  
生授姓生萬千桃花水暖素網密嘜波吹沫來翩翩神仙示異  
人逐利數畧一舉皆垂涎烹調熏灼異品製甘美自覺通中邊  
神靈每每感物性解毒養生理或然司馬招邀闕茗飲故鄉風  
味來登筵老饕飽噉左車僊食指應驗腹果便何當遣吏重餽  
餉報君小作琴魚篇

觸熱無益閉板門放筆疾掃青天雪麤箋硬絹亂塗抹鞞材棄  
擲徒紛紛司馬贈我涇上白肌理膩滑藏骨筋平鋪江練展晴  
雪澄心宣德堪等倫秋蛇春蚓敢輕污卷束似寶羊家裘生平  
作字厭凡俗形樸貌襲蝨處禪把筆同持大將纛從橫信縮皆  
有神古人此意足千古繼世只恐無兒孫亂頭麤服具窈窕新

粧豔飾多醜邨我生臂腕本庸弱那得妄議增吾惛中書老秃  
不堪用對紙又手聲脂吞廿年脚下盡海嶽欲乞盡取江山痕  
小齋四壁挂橫幅卧游便可終其身多君紙外更貽墨未免竊  
慮墨磨人

六經罷誦舌本枯蟹眼魚眼看有無卻勞白甄寄居士細剪江  
梅三百株沁胸清味自甘滿不乞小鬟司茗瓮朱門酒肉聚腥  
羶君谷我坡相冷暖

同年秦礪泉修撰來南冒喜晤有作

小別竟三載相逢都慨然名高一第後交在十年前文字張衡  
貴蓬蒿仲蔚賢天涯老兄弟惻惻雁行邊

進賢舒兩水學博以先祖文節公手書吳門西山探梅  
記遺卷見示並索題後

東皇暗移家裏春

武宗呼宜府爲家裏

長安蒲柳先秋零松柏有心竹有筠

紛紛散落江南汀文節之身古柯鐵北地嚴風吹不折偶辭魏

闕向江湖放眼靈巖千樹雪胸頭有事易感觸耐冷看花欲愁

絕是梅是客可勿論比擬那須迹象存人臣敢動歲寒念天意

自長孤芳根偶然記之等盟誓不謂流傳歸子孫傳觀頌美語

煩數累土何益恩命尊於乎文節遺馨滿天地不在區區數行

字卽看手澤已可敬想見忠臣凜生氣我聞挈瓶之子重守器

何況清門大賢裔笑他鐵石心腸宋廣平不免文辭逞姿媚

王澹人雨中見過出檜門先生詩卷相示澹人題詩見

寄次韻奉答

文辭比稼穡艱苦成美好又如豪末樹豈易到合抱緯言貴經  
物植意必根道斂實爲古餘敷榮發春藻天風八呼吸作者迹

如埽吾師賤浮名把筆壓諸老竊憐貴人詩望秋各枯槁篇成  
使我讀藉心作梨棗師如韓退之我郊汝則島與師隔南北破  
扉獨汝造汪叔亦數來令我屣輒倒好賢厭聲利視官等與阜  
君言敵風雨氣欲叱蛇媼汝懷壇墮壁我異肆門薨按後篇倒公前韻此下應脫六  
君詩具國色媚笑盡開窕我詩挺枯林縈蔓絕藤薦求師果  
同心稽首證了了不知千載下誰附檜門州

再寄澹人

使筆如使風力足偃勁艸落紙掣驚雷一揮十行了馳馬握快  
劍百步斷飛薦君才本天授捷敏異輕窕趙奢善用眾田單詎  
能曉郵詩等飛檄勢欲索降表魏武一世雄談笑制袁紹黃鶴  
當我前百鳥失觜爪又若挈馬兔燕食尚未飽攻疾一城圍萬  
戶奪妍佼可憐儀秦舌僵直若魚薨取譬新婦醜豈易避尊媼

執戟衛王宮竊願服衣阜吟苦爾門閉力竭我幟倒還待魚亭  
子偏師與攻造勿使趙括軍亦殉田橫島不如纓拾矢用贄當  
脯棗庶幾班爾師捷書另成稿君同媒兩譽自炫我將老澹日  
作新霽積霧漸除埽潢汙滿前墀照我如荇藻君西我居東橫  
弄似函道酬和北蛩驅依倚相負抱用心償飽食且勿計媿好  
家禹立兄讀書豫章書院連日陰雨不晤寄詩道意三

首

兄住城南我城北各攜鐙火坐更長半生兄弟幾相聚連夜雨  
風難對牀貧賤讀書聞見少艱難求仕鬢毛蒼綠窗朱戶正酣  
寢獨嗅一簾經傳香

將軍廢宅尚絃歌堂榭春殘長薜蘿金鑲綠沈誰悵惆青鐙黃  
卷自消磨別開戶牖蜂房似舊蓄精華虎氣多名將勦勞猶寂

弄文章報國定如何

馳逐聲華亦苦辛不如高臥看梁塵古來名士定何物他日大才存幾人三賦敢當千古業六經能駐百年身衣冠如畫登場易難敵旁觀笑與顰

雨中戲答澹人次韻二首

不知蠅蝶能行雨只有顛當爲守關寂處心同依密友閉門人各在深山蝸方伸縮蘚苔上蠹已死生文字閒一任霉痕染衫襖墨花狼籍不成斑

高懷君果澹如菊瘦骨我原孤似山不信傾城悅名士欲開明鏡看了鬢將來何處得愁盡說到有情俱涕潛多謝更番寄新句居然被我作詩慳

蘆葯坡監州乘風破浪圖

風力暢滿帆飽張三老用臂如挽强飛凌已具萬里勢主人意  
與船低昂不知尺土在何處巨浸八面涵天光是天是水不可  
辨一艇以外都茫茫君不達官不大賈安得乘流駕飛艫北人  
習馬不習水主人行樂僕夫苦我聞天吳河伯多不仁鼃鼃魚  
鼈異等倫龍公歡喜蛟蜃嘖浮沈雜亂爭屈伸海風順逆皆有  
神中流一舵迴千鈞古人涉險本忠信狂夫渡河小妾輦駿馬  
危檣天倖爾我厭江湖愁轉徙君今抑鬱不可去低頭日泛西  
江水願君他年賣船買屋居山中兩耳不聞江海風扶犁北地  
歌年豐看人飄泊南西東

王穀原比部游豫章以詩見懷次答二首

鴛湖寒雨墊巾斜卻怪茅生未抵家一艇過江聞小滯殘年分

夢感無涯

平戊九月穀原先予山京及  
至華由拳而君尚羈白下

山中各許經秋住堂上俱開百歲

花只有文心憔悴極對人垂手縮蔓芽

誰道鄉山舊雨多柴門蕭滅少人過忽聞高詠下牛斗便覺好  
風生薜蘿共醉欲傾淮作酒相思真有淚成河可能西向長安  
笑慚愧江神喚奈何

疊韻再寄穀原二首

鳳池先後被欹斜息羽猶居獨樹家已共鷓鴣分木末敢隨鷗  
鷺戀江涯嘉筵壽母求桃實小院將雛少竹花聞道車輪偃牆  
角菟園新筍又生芽

柳界荷鄉避暑多南風千里遠來過賣文可抵凶年粟買婢能  
牽老屋蘿誰看星辰知主客可憐詞賦動關河龍湫水與青谿  
笛感舊其如往迹何

十八夜露坐東穀原二首



彌勒龕前板榻斜宰官身現楚王家初更雖隔月三里兩客已  
同天一涯詩好近耽黃魯直夜涼重憶紫薇花直廬持被誰孤  
臥輸與君參薺蔔芽

牀下魚生暑濕多庭楸轉側波雲過待搜藥裏求山鞠刺有絺  
衣挂女蘿習靜久同僧退院凌虛難乞誰填河鬢絲一樣刁騷  
甚仕宦蕭然果若何

清容齋小集呈穀原二首

老屋三司壓衙斜蕭條真似野人家何因屣倒高軒畔得共杯  
浮曲水涯小會觥籌同羣飯他時鐙雨憶檐花酒龍垂首應重  
訂去翦春明嫩韭芽

結交自幸老蒼多癖愛詩人岸幘過偶遲鷁鸞游竹石似聞猿  
鶴怨松蘿尊常滿處教投轄桑欲乾時擬渡河東閣西曹俱寂

寂拌將心苦效陰何

穀原欲爲匡廬之游疊前韻勸駕二首

古翠中安細路斜樓臺聯綴列仙家名山有數誰能徧人海無  
邊此亦涯瀑布之餘雲盡水茯苓其上樹交花先生素齒如編  
貝合餉香廚玉版芽

太守題襟妙句多況偕樵使日相過君攜墨藩留丹壁共指茶  
煙滿綠蘿好向峯頭命絃管定從掌上見山河試尋白鶴彈碁  
者勝敗旁參喜若何

將偕汪鵬雲秀才城南僧舍銷暑疊韻別穀原二首

結束琴書擔尾斜偶然放逸便爲家相逢夏日原當畏但覺勞  
生未有涯水月寒銷塵海熱露荷香散道場花淨名經是安心  
藥意盡從今算放芽

生天作佛想無多一去來今瞥眼過客是寒郊攜瘦鳥身如古  
樹謝新蘿誦經頗似蜂鑽紙盼雨還占豕渡河暫作清涼老居  
士打鐘埽地飲亡何

龔鳴玉偕劉雷兩進士招穀原爲同年之飲予以病未  
赴二首

未看方丈妙衣斜卻笑維摩病在家禪榻因循夢幻觥船浮  
拍足生涯小堂星聚文昌宿舊話筵分杏苑花百事年來添瘡  
疾漫栽藥樹乞仙芽  
待他齋廚蔬筍多夢神先已怯羊過飢來豈等官彭澤鑿處眞  
宜避芋蘿小聚弟兄聯夏雁略分明晦指秋河團樂亦有因緣  
在惡石終如美疢何

七夕後一日穀原見訪僧寺二首

筍與來趁薄灣斜無著天親本一家藏穴笑人同鳥鼠離塵隨  
地是顛涯祇林小種文章樹法雨能開智慧花願得公身作金  
粟古香橫吐月中芽

天機雲錦展來多不許新霜點葉過未捧蓮臺翻吉貝分明蟻  
國占檀蘿古來寂滅無如佛天上因緣已隔河八社嫌他新釀  
缺攢眉其奈遠師何

寄董恒巖太守兼問蝸寄使君三首

萬卷堆中一短檠亂青橫處兩先生去尋古井垂修綆同坐匡  
牀展畫筌花外自邀人擲笛鐙前可少伎彈箏買藤便赴看山  
約不用商量待宦成

盤回細路入秋煙晴雪遙看萬仞縣雷鼓忽喧籃筍外珠簾橫  
挂酒杯前客離塵海山都好官到江州骨自仙卻笑老元誇郡

署風流終讓白公賢

古樂疑聞奏洞庭自摩冰玉唱瓏玲

太守有芝  
倉記院本

其言忠厚亦多感

此調老蒼誰解聽譜出從教纖指搯曲終宜對數峯青王郎斫  
地酣歌慣制淚防他首觸屏

穀原時過江州

清泰寺曉起

冷月挂天中鄰雞屋角空蟲聲喧曙枕客意滿秋風起視星河  
滅遙知海日紅江城三萬戶一半曉煙籠

望繩金塢

一塢立城隅鈴聲滿太虛從新看佛力依舊接神居客語浮雲  
上僧存劫火餘登臨百憂盡壯士爾何如

不寐

一蒲團地去來今小案橫陳靜綠侵老樹颺風憑勁氣夜蟬嘶

月抱愁心虛堂有客枕書卧賤子此時垂首吟古佛下帷僧入  
定寂寥中有慧珠沈

雨夕偕鰲雲家禹立兄同作二首

雨急天低野林空葉打衣蟲聲爭氣候酒意入深微片月在懷  
抱一燈含道機山僧他日坐應歎足音稀

暫依雙樹宿如在亂山中客子無他想郊原自古風地偏花木  
好天闊雨雲空不信連牀夕關山有斷鴻

百花洲坐雨有懷檜門先生用丁卯九月讌集百花洲

韻二首

從師載酒過林塘醉墨親題向短牆竟日共聽荷葉雨三人分  
納水窗涼秋懷觸撥更番感叢桂遷延十度香今日獨來湖上  
坐舊詩然否老僧藏

蒼然喬木想師顏不道重櫺使節還似返故巢看燕羽再招前  
雀驗金鰲頭銜宗伯新冠冕宿望昌黎舊斗山料得鋒車過廬  
阜朝嵐都獻好煙鬟

八月初八夜懷檜門先生闌中仍用百花洲讌集韻二  
首

白屋蕭閒面野塘絳紗迢遞隔危牆新詩歡喜同思憶舊地陰  
晴識暖涼茱萸葉落花看壁畫

丁卯司寇香樹先生  
主試內廉畫壁猶存

桂輪蟾魄護衣香

秋光如水重關鎖想見鐙前一老藏

寒士歡生廣廈顏待從合浦覓珠還重來自理當時網新舉如  
探再世鑽鐙火萬龕人似鮑丹黃滿案卷成山可知明鏡無偏  
照不用商量一尺髮

十四夜對月有懷檜門先生用公丁卯歲是夜見憶原

韻

冰蟾光似昔年清十載中經幾晦明秋氣最增懷舊感晚鐘頻  
報隔湖聲良宵孤坐真疑夢往事回思定有情矮屋虛堂分內  
外兩時風味一般生

放榜夕懷檜門先生疊前韻

想見冰壺澈底清風簾官燭繞身明華裾坐列司文宿叢桂香  
籠唱榜聲佳士權衡歸定論舊人名字最關情侵晨撒棘趨函  
丈喜色應同曉日生

寄懷廣豐徐穉亭進士二首

燕雲細碎雁分離苦爲徐陵作遠思一第還山無限好十年從  
政豈嫌遲讀書生趣家人共種豆閒情處士知卻愧難齋磨鏡  
具爲君藏過蓼莪詩



少年結習總迷癡雪案寬閒可得師八道須除才子氣名家休  
作女郎詩吾生進退安寥寂天意蒼茫雜信疑難乞樵風送柔  
舫三年消受鬢低垂

典屋六十韻

老樟蠹東衙我屋在樟北衙門界陋巷一隣比虞艘短垣破外  
宇內祀一牆蠹寢可陳兩榻堂僅列几席奠居始壬申雞狗苦  
狹窄堂西有餘地菰瓠補其隙老僕造畦畛列鄧均丈尺菜秀  
主人出夏日正暄赫自京到齊魯車騎頗忙迫思親一年夢懷  
土半區宅每當風雨苦竊慮榱桷明年赴禮闈共許展修翮  
強箭已入彀猿臂忽遭扼所聞多異辭眾口來嚙嚙猜嫌起陰  
訐聽讒亦當核小吝幸無咎過弄悔噬腊阨窮敢滋怨名字忽  
通籍得覲

堯舜容感激溢胸膈出將窮士淚暗洒丹陛碣竊祿一官卑懷  
忠寸心赤持被直綸省禁漏戛璫壁掩閤不能臥起坐月中夕  
何以志士心惻然感行役卷書賦南征到家雨雪劇將母怵老  
瘦見婦嬾婉嬾兒長解揖拜僕死傷窀穸檐楹烏鼠亂院落蓬  
蒿積故交多徂喪三載人事革稍稍理琴書優優曝衣幘閉門  
花木長伏几形骸易詩成友榻過酒熟壺堪摘閒居護苔蘚屏  
絕冠蓋迹數枉京華書公卿頗思憚召陪高車馳未許死蘿薜  
那知墮戶蟲以屋作裘綌兩資乏驅蛩五技媿颺颺健足陷泥  
淖欲行尚跛躄貧非原憲病懶豈嵇康癖幡然改舊念借何具  
檣舩殺雞禱五祀豐屋見龜策剝廬以得興懷資旅人索朋來  
授井竈隣至丐鼎鬲主易轉寂寥物散返虛白閤高鬼或瞰里  
美人定擇芙蓉覆輓轡垂花倚甌甌向我態依依照水情覓覓

物靈每思舊我生已成客虛舟縱江海到處可浮泊遙知故人  
過邈若山河隔室邇而人遐剝啄感今昔阿誰兇陸舫變作衝  
波鷁代祈風浪靜共以手加額回眸語同好行藏遞郵驛甲第  
移市廛一椽等阡陌膏腴互耕耨取譬可尋繹身外亦何有四  
顧但蕭瑟所嗟堂構存丹腹任難釋終慚達者心未肯便拋擲  
他年斷世緣矢念秦刀割歸來營菟裘寧讓老樟碧

忠雅堂文集卷五

忠雅堂文集卷六

詩六

鉛山 蔣士銓 心餘

滕王閣 丙子

一序傳高閣閫公本愛才豈無詞賦手憑眺大江來秋水如斯  
淨賓筵不復開年年客登覽何但我低回

出彭澤湖

一樣寒濤色江湖忽異觀彭蠡當縣盡楚水入吳寬界盡憑山  
力飛凌絕羽翰從茲鄉國遠盡室託波瀾

余忠宣公墓

孤城不可守力盡大江前積血都成碧餘哀欲禁煙身危全勢  
去志遂一家傳遺像團圞對英靈尚爽然

大觀亭次韻二首

負郭縣飛宇憑之縱遠睥江山含古色臺殿比虛舟客意帆千里臣心土一邱東南分半壁扼險在斯樓

止水留遺蛻稱忠又此塘地因華表著骨帶土花香生氣河山固流風俎豆長誰知臨難者視此亦尋常

放歌行

雙孤與金焦肩隨如弟昆遙遙顧盼效友愛似欲千里吹簞壘孤根拔地本瀟落後來乃被巨浸沒踵跟可知神禹未導江亦如離華數峰峙平原天下之山如此豈云少失脚偶墮中流渾金山一峰號浮玉航航樓觀古已聞及今臺殿附綴奪秀色丹堦碧瓦面面開戶門朝嵐夕翠亦何有掩飾不露膚寸痕直疑龍蜃幻氣所糾結豈知其中胚胎復有石骨存譬諸美人髮膚不可辨但見寶釵花鈿籠罩頤輔唇山靈富貴頗凡俗未若仙

都絲闌圍崑崙大孤小孤妝梳何澹澹天然窈窕非醜邨焦山  
中界南北阮坐鎮雅俗風骨敦古來名勝結構有天匠粉飾那  
借人工勤世人點綴強解事致令邱壑本色多蒙昏緇流坐享  
宮室美不感布施黃金恩人天之旨渾未識乞求寵利心煩懣  
我聞洞天福地本是化人宅法界守者豈可如蜂屯仙靈或者  
三舍避讓此老禿圓蒲蹲當今

聖人仁知樂山水浮屠偶過傾詞源河山清晏風俗美天意和  
洽春江溫正如黃帝張樂洞庭野君山一螺不妨秀絕洗頭盆  
塵世鋪張竭才力

天眼一盼同邱樊一卷之石底用誇絕倫五嶽下視真兒孫  
買小艇往京口訪家春農不值卽夕返棹渡江作歌

清晨渡江船穩坐風細波平無坎坷薄暮渡江暝色淨寒月初

生浪花妥兩岸千檣互明滅中流一舟載一我瓜州城郭潤州  
鐙與我主賓分右左萬籟潛消耳忽靜孤帆側挂身微頗江空  
正宜星斗浴山縣卻被樓臺裹半渡纔烹試茗泉前汀驟迸又  
魚火仙翁開疑淡炬然蛟宮閃詫靈珠墮驚鷗拍拍舞晴雪斷  
續欹斜態阿儺此時月午天水洽忍凍揮杯豁眉鎖須臾顛風  
勢稍熾漸覺波瀾暗掀簸煩黎昏黑三老恐似有神蛟伺歆舵  
舟人婦子抱飯饈錢紙光中撒釵朵我時半酣輕性命睥睨天  
吳若蒲羸江湖出入此身賤每念死生成懶情夢中江水白茫  
茫六代英雄誰最可

高郵道中口號

人與蛟鼉隔一隄家家屋脊過鳬鷺竟從地穴開城郭強就龍  
宮畫畛畦習坎終因防滅頂升天何術可求梯只宜痛飲南皮

酒各繫腰壺拜水犀

上翁行

小引

內子先世爲山陽人城北祖壘故無恙大雪前三日泊舟淮陰偕往埽治飲朱氏州堂因繫以詩

孺人上翁鹽河北小隊香輿度阡陌生年三十還故鄉桑梓依  
依引油壁高曾邱壠聚平野馬鬣依然崇四尺孺人再拜獻牲  
醴絮酒香澆土花碧邨莊健婦腰短鎌芟刈冬菰若春麥手足  
凍皴肌肉枯團團來看孺人車老嫗來前叩名姓笄時頗識君  
祖姑語言質樸進邨茗笑問孺人可能飲迴車謝嫗情悵惘凍  
霧銜暉氣寒凜南隣朱老嫗亞親釵笄眷屬都候門茅檐洒埽  
無俗塵紅綸帖地揖讓新磨刀霍霍截錦鱗殺雞炊黍肴藪陳  
情貌相稱禮意真男婦布席分主賓兒女行酒酬酢勤小庭花



木俱精神飢薦投邨日將落主婦持觴勸斟酌田家習苦不知  
苦敢問官人在官樂豆穀滿廩齎滿囷租稅麤完筋骨活今年  
竊幸免稱貸饗客休嫌供奉薄八口團樂畏別離晝寢晨餐除  
束縛不知官況定如何願官略述勿我訶我聞面赤顏轉酡因  
貧求仕心苦多無才竊祿居下位飽食類養疲癯疴肯分繡壤  
卜隣住朝衫願換農夫蓑主人送客重嗟憫主婦車前淚難忍  
孺人頗媿老萊妻不與先生事偕隱

黃河小泊

新婦乘鸞向煙霧

主偶合

郎君倚劒傍星辰

拱北秀

今宵同在枯查

坐都是黃河以北人

徐州道中

省井何知表經茅下爲營窟上爲巢乘桴偶借杯行水安土依

然芥處坳待與河魚求麥麴徒將藪澤任舟鮫難行賈讓移民  
策誰肯千金市一匏

曝縣道上

叢叢喬木陰泛泛若新蒲不知水淺深但駭坤維無竊疑偃溟  
渤注此鄒沛區秋濤卷彭城緬想眉山蘇開門潛深淵聞夫餓  
而跣昔市稍可辨破瓦魚鱗鋪鵝鴨穿戶牖唼啣葭葦層軒  
泛敞筍高棟橫鹿轡荒祠倚廢寺神鬼氣色枯時至附土梗運  
謝銷肌膚靈頑槩如此興替理亦孚俯仰天地闊泛濫波浪麤  
利涉頂豈滅汔濟尾或濡我家載兩艇憂喜相持扶窗櫺對啓  
豁招手時一呼內外有常課未肯閒朝晡書牀錯繡具刻苦偕  
妻孥兩兒雜亂聒何以置我軀暴漲魚鼈肥野航酤可酤殷勤  
理壺觴奉母爲歡娛聊將百升酒消此千里塗我無治河策奚

以敵天吳樹杪聞人聲夜火熒熒孤道此偶然耳微禹吾其魚

自夏鎮赴南陽有述

河潰勢莫壅岸谷陡然變阡陌沈浩渺潢汙奪平衍石隄若鼇  
背鼓盪露一綫長年理篙伺船底防割剗積舟貫街衢振舵偃  
籬棹連邨散星留懷慘遞隱現屋剝拱軀殼牆撐失扶援對宇  
借略約牽蘿縛罍獻樹柵立家室葭莢謝風卷窿然覆泥淖聳  
脊比牛羴僮僕愼出入苟且具闔扇旨蓄遭蕩滌藎藎給廚饌  
日乞一盪米無土掘藜莧魚鰕故可飽長物乏醫習老幼曝寒  
日促鄰對牕眩牛宮坐新婦忍餓哭并釧辛苦嫁時心榮辱託  
釵鈿奈何河伯婦暴掠成婉孌雀艇來前莊狼狽爲弔唁陷溺  
有同病飢餓各看面一息知親疎且復相繼繼停船問父老樂  
郊鼠猶羨利禍偏處此宜獲覆巢譴歔吁勉相答客語計誠善

賦命罹險阻去此等窮賤偏災無常禍瘠土有餘戀況蒙拯溺  
恩苟活堪展轉舍之就嘯蹴不若陽鳥奠波瀾覬時殺溝壑勿  
幸先偷生待寧居冬麥尚可佃如何輕流徙播越隔鄉縣我聞  
色怔忡繼之淚如霰結膚抱悱惻出語慚急下化僦守廉恥附  
比愧雀燕百年首邱志一得愚者擅吾  
皇與春狩支所具囚讞補助及淪胥書之存夏諺

讀昌黎集三首

原道排異端二氏說乃衰語必稱孔孟尊聞行所知進學引後  
生據席爲經師人性有三品荀楊各偏歆出入險阻閒餘事工  
歌詩元白不挂齒李杜孰敢嗤文人例相輕嗜好各異宜羣朝  
郊籍賀一一鄭重之國家得數子未必係安危安得常太平使  
爲華國詞

區區時相耳何足語薦士上書求達道傷哉君子志退易而進  
難非其人弗自好賢昧緇衣口惠實豈至聖賢賤苟得浩氣塞  
天地窮達關汚隆于道未云晦公約六經旨八代起衰替屈意  
頌庸人文辭毋乃僞

昌黎學道人不免怯當路原毀與釋言跌宕事回護弭謗傷直  
性憤激語多誤賢愚歷境異孰能求其故子與藐巍巍那知公  
喜怒哀論恐得罪畢生抱憂懼不若眉山翁進退有餘裕

盧孝子詩

有序

南安府南康縣人盧阡字季一郡廩生也母病爲文告天乞代  
哭幾失明及母死自沈以殉明日水面豎一指家人乃得舉其  
屍阡父哀之徧丐誄詞予憫其愚孝作詩曰

我讀黃鳥之詩聲暗吞

阡哭母有黃鳥詩

子殉母死古罕聞曹娥輕生精

衛泣親非考終故覆溺母歿正寢兒命隨鴈鳧理不可知事豈  
無獨抱此志明區區請看晉卿孝子處南盧盧生事母但欲母  
病甦告天乞代淚眼枯身餘骨筋無肌膚天不佑母何用兒此  
軀麻衣出走赴江水惜哉中流無一壺精魂隨母歸庭隅家人  
覓之徒趑趄打鐵灘頭豎一指指天怨天促母死兒身似鐵心  
似灘鑄錯憑誰聚灘水古風易降天性漓慈烏墮地子抱枝紛  
紛梟獍覩人面末流不易求此兒觀過知仁未宜刻規矩人倫  
有繩尺表之亦可警頑梗矯枉寧須定矜式

覆車紀行五十五韻

仲冬十三日晨發辭東阿八兩載曉霜銜尾穿陂陀隔帷呼我  
名下車問誰何曙光照冰韁略辨鬚綠坡彭君倚宰賀縣入觀  
誇鳴珂故人來邂逅步語臨沙河長橋斷奔虹小艇沒駕馭士

人雜襤褸索錢踞濱沱澤腹倖未堅涉淺導可過一夫前打冰  
兩夫挽鈴羸前車渡三乘我轂以次那車箱僅八尺偪仄風飀  
窠晉母抱長孫正坐我則頗半濟傾輪輶翻推觸鼃鼃寒濤灌  
裘袴碎冰簇鋌戈我兒飲濁流驚叫浮髮螺母我未滅頂舉兒  
如摘荷相持母子命大夢爲延俄豈其三世人併死蛟龍窩兩  
崖聲沸羹泗者來盤渦引臂挾我子擲向泥沙陂中流聞兒啼  
舐犢心摧剝兩奴扶母行衣裾凍婆娑忍見未衰親躑躅罹毒  
苛崩沙絕人爐肌膚寒威磨里許斂茅檐男婦不我訶地爐焚  
敗薪熏燎顏色和爲母索乾衣我婦解韉韉寡以吾妹衾苟且  
相包羅持錢謝邨媪感激還媿忍寒馳八里稍稍求衡適倉  
卒見彭蠡護持心已瘥探懷出吾兒重裘暖無訛招我母子魂  
饋食飲以醯須臾啟箱笥華裾涸漁蓑百物盡膠漆日澹濃雲

拖相對歎隔世浮名等媒罔痛定復展轉胸膈飲亂箸疲馬思  
舊櫪敢望天山禾中道不得歸傷手懼斧柯起挑土室鏖局促  
負殼蝸涕泗沾衾裯宛轉縈蚪蚪朝服安先靈尚恐驚鄉儻如  
何侍親側貽戚無逶迤此生墜缺陷安得鍊石媧儼身雪侵凌  
愁氣風噓呵彭君六年別當火援飛蛾急難得友生交情倍如  
娜來車旣如水去馬復若梭豈無迎養者不孝我獨墮叶志過  
陳苦詞非等勞者歌前途轉安吉拜手煩祝駝

人日夢中題畫

丁丑

屋後蒼苔如潑乳夕陽紅到青楓樹龕僧定力齋鴿知峽客離  
思夜猿主幽禽無語泉溜迴緣溪艸閣一半開山桃門外落成  
雪藤杖伴吾歸去來

山陰范烈女



噬金如脂身不死不死何能明妾志門前凍碧寒且深抱石自  
學曹娥沈重門曉開盡室駭拾髻沿流見衣帶驚波雖逝性不  
移鬼神侍立姑猶在遺墨脂匱傳七字一一明珠照天地浩氣  
千尋化闔風苦心一點涵金珥死能廟食生苦貧讀書立志如  
成人小劫消除十九載靈旗往復空江濱作記慚無南董手鴛  
鴦翁上貞松覆山陰重立蔡邕碑范氏七姑俞炳婦

題 御醫邵道久小照二首

閭闔爲君詰且開朝衫爭認壽雲裁他年去向漁樵說曾對

軒轅素問來

積損成衰百感生養和守一道難成憑君指授安心法補盡天

台采藥行

偕江椒田

新陶韋齋

淑應禮部試寄宿慈雲寺夜雨題

壁

十載隨肩友虛廊抵足眠春鐙人意滿蕭寺雨聲偏拓落同棲處艱難小聚年夜深臺殿寂中有慧珠縣

登第日口號三首

天街一騎滾香塵  
蒞榜朝開姓字新  
報說和凝衣鉢好  
舍人名列十三人

卅三

去聲

年光老孝廉  
紫薇花畔許留淹  
公車十載三磨折  
纔作

青青竹上鮎

老母焚香一展眉  
九原吾父可聞知  
旁人怪落看花淚  
不見番番下第時

題某將軍繪全蜀圖四首

放眼窺全蜀巖疆一望收  
江山奇險處猿鳥過來愁  
傳檄方平

虜將軍足快游壯哉橫槊者咳唾劍門秋

銘功崖久闢圖像閣曾開別有丹青筆遙知戰伐才春臨諸部  
合山東大江來想見籌邊日從容數舉杯

空江留八陣全勢出三巴峽壁縣飛棧硯樓隱算笳諸蠻晴練  
鏢列郡翠屏遮笑指羌渾砦奔雷走傳車

錦里看桑梓鄉山次第圖至難稱蜀道信美是成都讀書昇平  
見傳家典籍俱丸泥封隘口從此罷前驅

王筠齋

鑑

太僕新居落成招飲

買宅猶如負山走甲第東華移八九烏衣老屋卅年存庭有琅  
琊舊栽柳新宮月日亦數定恰似裴公猜已酉開廚行炙大官  
羊召客同餐燕市酒座中慨慷賦華屋醉後歌聲壓銅斗太僕  
于吾爲父執早歲登堂髮垂首曾假書樓開萬卷至竟儒宮無

一畝公車病我雉登木逆旅從公綱解紐人生窮達等夢幻桃  
梗何須笑土偶公今埽除燕寢室心地光明佛離垢風檐月榭  
數留髡百罰杯縣鄒衍口枕麴誰能卷白波角量公操不龜手  
盛衰感槩勿復論絲竹中年聊可不老藤以南軒以北主人在  
左賓在右及時良會可行樂底用求仙服堯韭薛華善歌白善  
飲詩酒別腸吾欲剖

銷齋再招同人宴集倒和前韻奉答

屋如大橋突仙剖菜勝齋廚庾郎韭哀絲豪竹夜筵張跌宕仍  
同太行右觚騰觥撻辯鋒銳醉間張儀舌存不高秋老饕足果  
腹打疊持螯鬪雙手幸當今夕展勞筋不管吾生困箕口公家  
別業隔千里老圃秋容絕塵垢謝墅差教噲等伍庾園失笑齊  
難耦盆魚籠鳥一束縛絡首黃金歎羈紐閒身忽忽就仕宦情

夢悠悠在隴畝客來便倒鴟夷腹我癯竊比牂羊首藤花落後  
星挂檐菊豔舒時漿挹斗吾儕愛作文字飲其味清空類元酒  
辰雌底用守庚申丙舍真宜窮卯酉欹斜客醉竹搖風次第觴  
行魚貫柳金石交新訂二三雲夢胸曾吞八九明年陸舫屬何  
人大力還須寡推走

馮均弼

延丞

光祿贈句次韻奉酬

孟公鍵門防客走仰視天罡方據酉同官好飲恰無事一一清  
銜署犀首嚴笙吹作龍鳳鳴螺盞堆如螺羸負馮君視壁思捷  
敏造詩若釀逡巡酒使才豪橫薦羣動下筆騰拏破諸有八陣  
圖開李藥師一龍劒拂張鴉九讀君家集昔未冠仰止三馮歌  
鼓缶自矜尚論眼如鏡耻與時流同可不君能把臂友隣茂不  
聽悠悠讒謗口共爲倔強壓霜竹肯學欹斜受風柳當杯正要

管絃雜愛月未覺蝦蟇醜東坡不生太白死那得神仙貽佩玖  
卽今夢落古柯槐常恐身隨白頭韭君開萬卷坐甥館游戲爲  
官乘枸簍著書如縱雁門獵射生日試通身手吟聲中夜和鈴  
柝一笑南榮插箕斗酸寒陋彼東郭生莽鹵嗤他北宮黝良宵  
喜聚故人影起握驅雲婦天帚子歌我和桂輪斜荷鍤同誰卧  
荒壤

催妝詞爲家華林

果

上舍作四首

流蘇金縷護魚軒四角都垂龍子幡爭看乘鸞煙霧裏泥金褰  
上畫文鴛

紅杏尚書舊有名

華林內舅爲  
張得天尚書

微雲佳壻蔣山卿定情詩句同低

唱都作關關對語聲

霞帔珠琲穩稱身風流富貴出天真阿兄上應郎官宿不等終

南嫁妹人

翠釜鸞刀列竈觚嫁娘學下大官廚相公自有調羹手不用持  
湯問小姑

熊文滌齋

本

席上分韻

當杯能使鬢霜消且作遨頭折柬招梅未作花知老嬾菊還留  
葉慰蕭寥交情古澹偏宜冷酒政森嚴未許饒同向詩翁求掌  
故鐙前閒與話三朝

寄輦雲二首

十年成進士三復感來書心死繁憂後家縣屢空餘艱危持道  
力辛苦稱華裾幾許飛揚志當官盡埽除

虛傳迎養孝甘旨意徒存垂老餐粗糲低顏愧子孫骨從孤立  
定心向故交論尚習雕蟲業何由報

主恩

陶然亭題壁

僧樓似堡依城闕酒巵如山傍菜畦佳日過之原洒落四時閒  
者各招攜九天臺殿卿雲覆十里菰蘆翠毯齊亦是前人觴咏  
地醉翁名字爲誰題

送歸安沈賓上歸葬其考壽而秀才三首

那得辭寒餓悲哉賦命窮士生多不遇樂豈在其中長物吾何  
有遺金葬汝翁還家營尺土埋骨峴山東

不煩于我殯稱貸濟君貧洒淚憐空囊低頭愧古人虛舟無積  
麥轉轂是勞薪願作風帆健平安送爾身

未須憂逆旅歸去更如何兒餓知求食妻勞苦弄梭關山念行  
役風雨促悲歌想見梁鴻廡寒鐙暗薜蘿



寄訊紅鶴主人二首

關心近況總傳聞  
卻怪妝樓雁影分  
愁病可知深似海  
情懷已  
是懶于雲詩吟嶺海團  
香絮字寫羅浮簇蝶裊  
不信炎方飄泊  
慣筭與重去趁斜曛

一例依人抱旅愁  
尊罍或可解繁憂  
挑燈看弟詩如錦  
釋悶勞  
夫酒換裘夢裏秋  
聲生藥鼎客中寒  
色在簾鉤  
歸船至竟如何  
買不信飄蓬便合休

寄孫壺園孝愉比部二首

妙墨題襟寄遠思  
朋來應悵執袂遲  
分無杜老秦中句  
敢付孫  
郎帳下兒  
北雁南魚懷舊雨  
西曹東閣快新知  
刪除晉語唐風  
後合借瓊瑤玉珮詞

名臣本傳列儒林  
卅載聞知景慕深  
養氣報仇當日事  
韓人文定公逸事

涵融豈惟格民耻教養克有終拂衣將母歸芷江山叢叢歡聲  
變悲啼父老連兒童至今頌遺愛陟岵思羊公憶我識君初泛  
艇波濤洶同舟色沮喪君貌能和冲竊以驗道力所恃忠孝躬  
河伯固暴虐對君失其雄小別八改歲思積夢屢逢聞君復出  
山欲建濟物功誓天焚苦詞貪墨遭殛凶翩然宰曲周愛民如  
芷江一役不下鄉訟者自趨從民昔苦徵發符令飛秋蓬科派  
盡銷銖民瘁官從容君悉罷追呼蓋藏民以豐官出一柴車官  
到如父兄叶和氣蒸桑麻雞狗平關攻服稽竟有秋立政稱良  
農考績官儀曹僦屋隣我宮忽出一卷詩坐我疎林中水流見  
花開禽鳴覺山空妙悟觀物化深省聞晨鐘清機發咏歎想見  
靜者衷蕭疎稱規矩澹遠爲蔥蘢陶杜韋柳閒揖讓諸老翁乃  
知味道人吐語含清風取詩合其文水月交溶溶君雖曰未學

學者誰實工自謙恐類誣得失君豈蒙俗吏對江山強顏說明  
聰剽賊鮑謝篇文飾欺瞽矇那知袁易齋胸懷具鴻濛宦成學  
亦成心手經綸通請看元道州用筆如生龍

病中讀鍾叔梧

建魁

秀才碧溪詩

簾烘藥氣燕辭幕牆吐朱藤蜂放衙別院尊前風日美亂書堆  
裏枕衾斜卧延新綠鳥聲喜起踏落紅人眼花何處傳來碧溪  
句心蘇真似得黃芽

常睡

鳥啄檐花鴨啞泥人多屋少笑雞栖春雲過眼我常睡朝日滿  
簾兒互啼書味細迴饒舌苦酒杯深遣病眸低經旬謝卻當關  
客垂首空槽惜馬蹄

寄懷叔梧成都幕府一首

元戎暖客有貂裘上座談經禮數優合令軍傳諸葛扇未同身在仲宣樓彈冠遠發青雲興聞笛常悲舊雨秋名士幾人飛食肉那容新沐試堯鰲

玉堂畫掩一條冰祕閣牙籤散帙曾少見飢蟬餐故紙孰然仙炬繼殘燈文辭自媚初心遠民物相關壯志憑試問栖櫟老居士舊寒應記最高層

### 留客

物理多端道味存嗒然憑几共誰論南風斜下送書雁好月滿浮留客尊斗柄垂天高插屋燭龍銜炬夜當門空庭人散露華重古事塞胸聊自捫

### 領祿米二首

自憐臣朔本來飢力穡都無土半犁備位只同滄海粟素餐頻

竊太倉稊難酬春雨羞黃稗不辨嘉禾媿夏畦聊共齊民歌鼓  
腹一囊兩季各分攜

風裊廚煙釜竈溫炊來珠顆溢餅盆不耕難恃終身飽舉筯寧  
同一飯恩漫說食功全瓦塹大都屬饜計饗殮百年麤糲三升  
豆粒粒香粢是淚痕

俗情

風箏落樹宿禽散餅卉弄香新曉來百慮漸隨官況集一名難  
謝俗情猜靜看虛室鑪煙直夢怯前山鳥道迴待長梢雲數竿  
竹釣樓應許老夫開

索索柴杖歌爲彭丈耕原作

有明

索索柴山巴里坤土人刈以爲薪兵備道朱君取其磊砢者作  
杖貽耕原也

一索而得震再索而得坎終動利用止阻險防入窞爲蒼筤在  
華健則不可撼爲木堅多心倚之見勇敢大澤藏陰山勁艸異  
葭莢厥名曰索索取義亦何闇穹廬婦樵蘇腰斧兩髦髧曳柴  
烹牛羊拾薪供炙啖朱侯擁千騎忽向鬯餘攬斷爲三尺筇卻  
贈佐元覽高節抱磊砢直幹謝阿叵倚壁生龍鱗擲空破鬼膽  
能銷竺庫儼足攝虎視耽我聞赤城藤九節類昌歎又聞身毒  
杖薰以天夏醺呼爲木上座字以般若眼老人事遨遊此物擅  
舒慘看雲撥靄黷尋花歷藹菴扶疲更起弱功力使人感先生  
八十餘神完樂恬憺步健躡趨捷瞳方燭深徼佳日憑曲几茵  
席布芳毯鄰前繞金紫饋醕執醬醢刻鳩立靈壽祝噎驗頤頤  
新歡就和豫舊夢絕輾軋生理已除閨甘味正回欒桐孫挺青  
鸞

禁省握鉛槧杖陪嬉游童顏發朱萐西域休 王師艸

木釋餘憾流憩策扶老觀易意彌飲不藉葛陂龍飛行閩風澹

臺灣賞番圖為李西華友棠黃門作

畫旗金戟開行轅繡衣使者來賞番胡牀踞坐白玉山神和氣

肅春日暄社商土目領番眾魚貫膜拜不敢喧麻達未娶之番穴耳

雙巨鑲薩鼓薩鼓宜乃銅器如捲荷繫背頭艾纏番以艾編竹箍腰捷鬬猿以番

善走為雄幼則以竹篾束腰令細出艸微捕鹿也鹿壓肩長鉏勁箴插壺鞬鏢弩挂腰

血仙鮮文身花鳥靈閣綠漆頤鑿齒相媚妍膩新番婦美好貓未嫁

女悅仙已嫁之番首飾雉頸項螺鏡含羞艸名艸颺釵梁偏錦裁比甲

遠戈紋番錦曰建戈紋簞囊下遮幅也烏布縣鼻簫口琴手昨牽婦媚以鼻簫口琴聯

牽半牛直看花能渺綿渺綿訓曰飛天即秋千戲都盧咽轆祝唐官番呼漢人曰唐人來

獻都都松園糗餐團歌聲味啖舞翩儇連臂踏地意態閒使者

顧之有餘歡聖化普徧滄瀛孺羊酒錢布粉花煙閒以雜珮

流蘇攢群人得賞稽首崩厥角心羨通事能唐言南北各社共  
欣快宣德布惠使者尊其語感人簡不繁庶番翼戴

天王恩我聞乾坤東港華嚴世界婆娑洋佛語出佛書琉球別部地勢

如弓彎荷蘭日本據此作互市其他佛郎呂宋雞籠淡水一一

資離樊世傳金人避元匿毘舍臺南本名毘舍那耕鑿竊比桃花源顏恩

劉香老殄滅鄭成功朱貴一起跨海乃有施將軍襄壯公須龍碩偽鄭銅失勢

七澳靖森舍成功鴨母一貴混名驅游魂干頭銜鼠州雞死鈴記中遂

今五十二區三十六島歸中原 赦置郡縣奉正朔海色如鏡

安其瀾風艸無節颭颭息斷帆屈鬚虹霓臺人以風艸一節則颭風

則大熟番異俗浴同川氣候常暖地少寒冬蒔春荷蔗滿田女

耕男饁家家築禾閒倉廩也杵臼手春百日赤米名嚼米為麴釀法

便織毛茜艸機杼巧竊花得冒誠可憐上元夕番女人臺人花園竊手



操蟒甲

獨木舟名

吸鴉片

煙名

弄潮不畏天吳顛  
孫采檳榔摘番槎

樹取檳榔為孫采槎削番杏也

硫井金穴生每捐又聞生番殺人髑髏用金飾雞距

傀儡

皆生番部

尤毒環一耳為衾一耳簞形狀猙獰惡同神姦暗洋一

歲一晝夜墨洋如靛不可炫

當今聲教訖海外鯢身鹿耳恩

澤寬險礁沙綫伏蛟蜃使者穩坐巡臺船尾樓一鐙帆倚天登

檣下碇恃亞班

海船舟人曰亞班

洋更十下香甲煎

放洋煙香為夜漏一夕凡十更

赤嵌一點

天水連

郡城為赤嵌城

近聞番俗漸文雅童叟各能守一編  
鰕筒筆寫紅

毛字七夕磔犬長掛魁星前番女障面出擁蓋幼者讓路長則

先春耕齊聽鳥音吉

番以鳥音卜凶吉

勸農使者乃至李氏東郊園鐵綫

橋南亦多雨

雨多在橋北

優曇貝多花麗娟居室恬熙若內地使

臣不貪守令賢黃門先生小臨川口銜

鳳詔海外居三年六

公采風之圖黃公使槎錄

臺灣府平黃公叔敬首以侍御巡臺著燕海使槎錄後滿洲黃門公六十七亦奉是使著燕海米風圖

拾遺補缺著述嫺海神力可御風浪變滅百怪操微權鯁鵬擊  
逆眼界闊潮雞警且忽下扶桑巔畫中面目本來相歸來展看  
精神全只恐臺人亦解摹張騫番兒還鑄冰霜顏爲君作詩效  
蠡測補入裸人叢笑篇

孫公元衡巡臺著裸人叢笑篇

忠雅堂文集卷六